

本草述卷之九下

潛江劉若金先生著 武進薛恮秉之氏校訂

隰草部下

地黃

覈曰地黃一名芑

音虎

名芑

音起

名地髓羅願曰芑以

沈下者爲珍貴故字從下又云天立而地黃天上

而地下陽戌而陰巳陽浮而陰沈則地黃地髓芑

芑之義與情性爲用之方可以想見古取咸陽川

澤及渭城彭城同州諸處今唯懷慶者爲上諸處

隨時興廢不同耳江浙壤地者受南方陽氣質雖

光潤而力微不及懷慶山產者稟北方純陰皮有
磊砢而力太也古人種子今唯種根二月生苗初
生塌地高者不及尺許葉如山白菜而毛濇又似
小芥葉而頗厚中心皺文如撮莖上有細毛梢頭
開花如小筒子而色紅紫亦有黃色白色者結實
作房如連翹中子甚細而色沙褐根如人指長短
粗細不常甚有一枝重數兩者汁液最多雖曝焙
極燥頃則轉潤二月八月采者未窮物性八月殘
葉猶在葉中精氣未盡歸根二月新苗已生根中
精氣已滋於葉不如正月九月采者氣全也種植

甚易入土卽生大宜肥壤根肥多汁法以土壤作
壇如浮屠數級寸段蒔灌根長滋盛也但種植之
後其土便苦次年止可種牛膝再二年可種山藥
足十年土味轉甜始可復種地黃否則味苦形瘦
不堪入藥也

按本經地黃有乾有生蓋采得卽用者爲生曬乾
收者爲乾是乾地黃卽生地黃之乾者也後人復
蒸曬九次然後用之是爲熟地黃其生熟不同而
涼血補血之異大爲懸殊故分註之以便分證投
治至諸家本草輒以乾者卽爲熟幾何不令臨病

本草通串 卷之九
之工失所據也

生地 氣味甘寒無毒 別錄曰苦 權曰甘平

海藏曰甘苦寒氣薄味厚沉而降陰也入手足少陰厥陰及手太陽之經 主治傷中逐血痺填

骨髓長肌肉作湯除寒熱積聚除痺療折跌絕筋

生者尤良 本經 又主涼血生血補腎水真陰不足勞

瘦骨蒸日晡寒熱唾血耳鳴涼心火血熱五心潮

煩驚悸掌中熱痛清肺熱咳嗽鼻衄瀉脾胃溼熱

吐血牙痛欲脫脾氣痿蹙嗜臥足下熱而痛便血

尿血皆治療虛清熱通血脈強筋骨利二便理胎

產通經閉

別錄云生地補五臟內傷不足臟屬陰唯此味天一之真陰能補五臟也而亦

入手太陽腑者正見火中有水乃陽育乎陰具足生化之妙也

潔古曰補腎水

真陰不足治少陰心熱在內

原禮曰陰微陽盛

相火熾強來乘陰位日漸煎熬爲虛火之證者宜

地黃之屬以滋陰退陽 宗奭曰本經只言乾生

二種不言熟者如血虛勞熱產後虛熱老人中虛

燥熱者若與生乾當慮大寒故後世改用蒸曝熟

者生熟之功殊別不可不詳 復曰本經主治首

傷中逐血痺卽繼以填骨髓長肌肉續絕筋等語

夫痺者閉而不通隨其血之不通而爲病如在目

則赤在齒則痛在肉裏則癰腫在心則昏煩在肺則咳血壅遏而爲身熱枯耗而爲燥瀉痿軟汎濫而爲吐衄崩漏血痺頗廣各以類推逐者俾其流通之義也性惟潤下功力到時二便通利以爲外徵千金方黑膏用治熱積所成之斑肘後方拌雞蒸汁用治寒積所成之疝咸從血痺之所生耳血中有痺則骨髓不滿肌肉不長筋脈斷絕均謂傷中若填滿若生長若接續皆克成血液之流通者也希雍曰乾地黃稟天一之陰氣兼稟中五之和氣故味甘氣寒而無毒別錄又云苦者以其兼

入心脾也此乃補腎家之要藥益陰血之上品

此論

未分生熟者也

生地黃同大小薊各半俱搗取自然汁

和童便飲治一切血熱妄行吐血齒鼻衄神效

取汁和麴作飢飢冷淘治蟲心痛入瓊玉膏爲

陰陽兩補之要劑得青蒿子鼈甲銀柴胡沙參

天麥二冬黃檗甘草地骨皮牡丹皮白芍藥牛膝

能治骨蒸勞熱同人參遠志麥門冬酸棗仁柏

子仁茯神甘草治心虛驚悸怔忡健忘

熟亦用

得

麥門冬五味子牛膝枸杞子車前子阿膠天門冬

治溺血

熟亦用

同青蒿地骨皮麥門冬白芍藥山

本草通串 卷之十一
四 遺訓
茱萸 枇杷葉治婦人月事先期 同 苧麻根搗汁
碗許加炒砂仁末三錢治胎動下血 同 黃連連
翹薄荷甘草甘菊木通治目暴赤痛 同 當歸赤
芍藥乳香沒藥肉桂炒黃荊子末治一切跌打折
傷瘀血作痛

愚按地黃之用在本經卽首歸其功於血蓋稟於
天一之真陰誠如李東垣所云而更資乎中五之
冲氣故其氣寒者天一之真陰也其味甘者中五
之冲氣也甘而微有苦者歸於主血之心也夫血
原於水而成於火乃水火之所以體物而不遺者

土也故經曰營出於中焦夫萬物莫不資生化於
土而唯此味之取精於土者最專且酷故種植之
地土便樵苦十年後方得轉甜焉得謂此味非專
主中焦之營哉地黃汁液最多雖極曝焙而旋即
轉潤合於大奪土味十年乃復者
則真爲水土合德以立地曰地曰黃固不誣也此
味至陰正以療水不濟火之病在生者其功如是
第烹煉極熟從陰發陽陽昌於陰中而
陰乃化其益陰尤勝於老人更宜也夫旣資冲

氣以化生而獨以涼血歸之者謂何蓋水寒土溼
皆爲陰其性就下故以沉爲貴本經名芤曰地髓
皆此義耳經曰至陽盛則地氣不足必用此味之
地氣精專而未經烹煉者以對待之矣觀先哲所

云涼血生血補腎水真陰不足除諸溼熱者則其義可明矣第在經云寒泣血而此之血痺更以寒水之真陰療之何哉蓋因於陰虛而陽乃亢陽亢而陰愈泣用此益真陰之味以爲責其本之治耳或曰此固藉至陰以抑亢陽也如女子產後血逆及胎動下血亦得取責於陽亢乎曰當以本經及別錄所云傷中之義明之夫所謂中卽中氣之謂也如本經首主治傷中卽云逐血痺而別錄首主男子五勞七傷女子傷中卽云胞漏下血皆以中氣有傷而病於血也第傷其中氣者其義云何蓋

下而腎肝有陰中之陽，上而心肺有陽中之陰，陰陽互爲其根。然化原却先在陰，乃中土握升降之樞而行化育，亦本於由陰生陽之元，並暢其由陽歸陰之用。在時賢言氣因上下而有陰氣陽氣之分，可謂精辨矣。夫血乃真陰之化醇也。如本經血痺爲血不得氣以化，別錄胞漏下血爲血不得陰氣以固，是則人身之病於血者，莫不病於血中之陰氣。而病於陰氣者，又寧獨一熱足以傷之乎？故病於陰氣陰熱而氣不得化血者，如生地固爲宣劑。如本經所謂逐血痺，及逐寒熱積聚是也。若病

於陰氣不因熱而氣不得固血者，又豈得以生地爲補劑？若寇宗奭所謂如血虛勞熱，產後虛熱，老人中虛燥熱，槩與生地當慮大寒是也。蓋甄權所云解諸熱者，卽陰虛而相火乘於陰位耳。若然，則宜補陰以靜相火，又不得宣陰而損真元也。唯張潔古去諸溼熱之義，是可參也。蓋陽盛而陰虛者，則陽不得陰以化，氣之不得化者，則反病於溼而更滋熱。在經曰：陰者藏精而起亟，時賢釋爲起氣，是則所云氣不得血以化，而反病於溼者，不可取證乎哉？雖然，又如日華子云：治吐血鼻衄婦人崩

中血暈。又別錄主女子產後血上薄心悶絕等證。又豈得遽然妄投補劑。則用生地而不傷中氣。以爲真陰化原之地。投劑者應有斟酌。卽甄權曰此味虛而有熱者宜加用之。乃丹溪又曰虛而有熱者慎勿用之。夫二賢之言。何以參差。蓋因虛而得實。甄權之說是也。原其病本在虛。丹溪之說是也。方書治虛勞有黃芩湯。云主治心勞實熱。小甘露飲治脾勞實熱。地黃湯治腎勞實熱。麥門冬湯治脈實極爲病。立參湯治骨實極爲病。石斛湯治精實極爲病。夫旣病於虛勞。而云實者。謂何。蓋經曰。

精氣奪則虛，邪氣盛則實。因精氣之虛，以致邪氣之實。因邪氣之實，而益致精氣之虛。故用生地先瀉其實在邪者，救其虛在精者。如補勞劣之味，乃在其後。何先哲製方，甚中肯綮而有節次，乃如斯也。是以虛勞方中，有生地同熟地用者，唯如前數方之證言實者，則止用生地，而熟地不得與之同。可以明於一宣一補，頓以生熟異其用。此際微義，臨病之工，不可以細察而俾其得當乎哉。附方：

欬嗽唾血，勞瘦骨蒸，日晚寒熱。生地黃汁三合，煮白粥臨熟入地黃汁攪勻，空心食之。吐血不

止生地黃一升二合白膠香二兩以磁器盛入甑
蒸令膠消服之 肺損吐血或舌上有孔出血生
地黃八兩取汁童便五合同煎熱入鹿角膠炒研
一兩分三服 鼻出衄血乾地黃地龍薄荷等分
爲末冷水調下 吐血便血生地汁六合銅器煎
沸入牛皮膠一兩待化入薑汁半盃分三服便止
或微轉一行不妨 小便血淋生地黃汁車前葉
汁各三合和煎服 妊娠胎動生地黃搗汁煎服
入雞子白一枚攪服 產後中風脇不得轉交加
散用生地黃五兩研汁生薑五兩取汁交互相浸

一夕次日各炒黃浸汁乾乃焙爲末每酒服一方寸匕
溫毒發斑黑膏治溫毒發斑嘔逆生地黃
二兩六錢二字半好豆豉一兩六錢二字半以豬
膏十兩合之露一夜煎減三分之一絞去滓入雄
黃麝香如豆大攪勻分作三服毒從虛中出則愈
忌蕪荑 疥腫乳癰地黃搗敷之熱卽易性涼消
腫無不效 牙疳宣露膿血口氣生地黃一斤鹽
二合末自搗和團以麪包煨令烟斷去麪入麝一
分研勻日夜貼之

希雍曰生地黃性大寒凡產後惡食作瀉雖見發